

船政學議纂編



船政奏議彙編卷二十八目錄

裴蔭森

第五號橫海鐵脅輪船試洋摺  
製船養船經費請飭地方官寬籌濟應片

洋教習到工添蓋學堂洋房片

臺防需船派伏波東渡以供差遣摺

橫海兵船公費遵照新章分別核給片

九十兩年分歲入歲出冊籍請展限片

船政奏議彙編

卷二十八目錄

一

船政奏議彙編卷二十八目錄

裴蔭森



船政奏議彙編卷二十八

裴蔭森

第五號橫海鐵脅輪船試洋摺

奏爲橫海輪船出洋恭摺具陳仰祈

聖鑒事竊船政第五艘鐵脅輪船下水日期暨船身縱橫長廣蓄水丈尺馬力及擬用礮位緣由經前任署理船政大臣張佩綸於光緒十年十一月初八日

奏明在案張佩綸於十二月二十四日交卸赴京時法船連艚北發另以鐵艦游駛於媽祖澳洋面往來窺伺閩口情形緊要

臣嘗親至壺江琅

船政奏議彙編卷二十八

崎青巔梅花各港督飭員紳填堵旁流勘辦礮路不敢稍分畛域各廠工匠任令調往金厓長門南北岸各路軍營幫築礮壘修製礮架等事侵佔船工十之六七正月以後南洋輪船被阻不出臺澎求援雖殷閩省陸軍望洋徒歎乃收回各路撥出工匠專力船工據報水缸機鑑安置妥貼四月初三日於塢前試車查有記名簡放總兵潘順上年隨同督臣楊昌濬來閩派交船政差遣臣察看潘順身經戰陣歷練老成商明督臣委令上船管駕據報船艙之機器管軸



船面之帆纜桅杆船身之粉油髹漆自下水後陸續估辦三萬工有奇一律製配齊全閩口分流支港現已開行遂於六月初四日臣親督各員紳八點鐘升火十點鐘展輪由馬江出芭蕉山放洋至白犬洋行駛數周申刻回至媽祖澳洋面寄碇臣復乘舢舨上岸由北風澳翻山至南風澳周覽形勢訪查去冬今春法船寄泊蹤跡儻有鐵艦三艘上中等快兵輪十號統以學識兼備知兵大員當可扼江浙臺厦之隘爲閩江五虎口外添一重保障也次日風色尤順復令滿張桅帆由媽祖澳復駛出白犬洋數轉午後乘潮入芭蕉山口緩緩而行申刻抵工計自芭蕉以內兩山相向左右迴抱層層收束轉轉灣環闊處至二百餘丈狹處不及百丈上年儻以福勝建勝等巨礮之船泊駐於金長各處與礮臺相爲輔助其餘各兵船每船添購連珠礮數架孤拔雖凶豈能深入重地傲倖嘗試哉則相與太息追悔於九船調泊馬江一隅之非計及知連珠礮之猛而惜費不購之誤也計橫海在洋升大火用水缸汽力四倍半天氣一分



鐘輪轉百週每閱時可行七十四里順風順潮  
加滿帆纜每閱時可行八十里升常火用水缸  
汽力二倍半天氣一分鐘輪轉七十二週每閱  
時可行六十里船身前遭法船連珠礮打穿百  
餘彈經飭匠重新修換現在驗其船機轉運靈  
捷船身亦極堅固五月二十日據泰來洋商福  
克電稱張佩綸訂購英國埃姆斯得耶六寸口  
徑後膛新式水師鋼礮六尊荷乞開恩五管連  
珠礮四尊已由香港起運後又據稱舢舨觸礁  
另須換船起運俟礮位運到鑲配工程完竣再

行繪圖貼說咨送總理衙門及戶兵工各部存  
案據提調道員轉據工程處員紳具稟前來

復查伏波輪船雖已修竣前經

臣加委督帶候

補游擊陳友定准督辦臺灣防務福建巡撫

臣

劉銘傳咨調東渡赴臺差遣橫海係三等快船

北洋咨請調用

臣

以閩省兵輪止有此號應留

防閩口該船薪糧請照章由閩善後局支應所

有橫海兵輪出洋緣由理合會同督辦軍務大

學士二等恪靖侯

臣

左宗棠福州將軍

臣

穆圖

善閩浙總督

臣

楊昌濬革職暫緩交卸福建巡



撫臣張兆棟恭摺由輪船遞滬交上海縣發驛  
四百里馳陳伏乞

皇太后

皇上聖鑒訓示謹

奏

光緒十一年六月初八日拜發奉

旨該衙門知道欽此

船政奏議彙編

卷二十八

四

奏

皇上聖鑒訓示謹

皇太后

四百里馳陳伏乞

撫臣張兆棟恭摺由輪船遞滬交上海縣發驛



製船養船經費請飭地方官寬籌濟應片

再閩廠初造成萬年清渭雲雨船薪糧及各項費用無出同治八年五月福建巡撫

臣

卞寶第

奏請以福厦兩口洋藥票稅作爲養船經費嗣成船愈多費用愈廣原任督辦臺灣海防船政大臣沈葆楨同治十三年十二月奏請養船經費撥入臺防項下輪船薪糧歸併報銷奉

旨該衙門知道欽此光緒元年十二月原任船政大

臣丁日昌奏明養船經費不敷各輪船薪糧以外如建威練船薪費鎮海水師營薪費出洋肄

船政奏議彙編

卷二十一

五

業學生游歷學生繪圖學生各項贍養洋教習薪水洋匠辛工各輪船修費煤價各欸統歸地方官設籌支應光緒二年正月十一日欽奉

寄諭如何籌畫欸項寬爲應付著文煜沈葆楨李鶴年丁日昌斟酌情形妥議章程奏明辦理等因欽此船政以地方官遵

旨籌措支應不便稍分畛域歷年將製船經費挪移墊給往往無欸購料船政造船少成船遲估船貴練船廢悉由養船各欸應付不前所至也去冬馬江事後張佩綸請將被燬九船薪糧飭局



照解併作造船經費蓋以造船原欸代司局墊  
應養船等欸自同治八年八月起截至光緒八  
年十二月止共墊支九十八萬八千餘兩銷案  
具在可復核也而九十兩年尙未併計在內乃  
省城善後局誤以養船經費祇支應被燬九船  
薪糧其餘練船水師營薪費各項概無著落  
臣  
以一切經費由船政籌由省局籌同爲

國帑本可從容商榷斷不敢稍爲爭執卽如何如  
璋任內訂購藥彈價銀一萬四千六百餘兩應  
歸海防案內支銷現欲船政籌應船政挪無可

船政奏議彙編

卷二十八

六

挪墊無可墊此

臣

萬不得已仍請省局籌解者

也查船政祇有養船製船兩欸養船經費本無  
定數已挪墊一百餘萬兩製船經費海關六成  
項下月撥三萬兩截至本年六月止積欠二百  
四十餘萬兩四成項下月撥二萬兩上年亦欠  
解十四萬兩本年時閱六箇月甫解四萬兩幸  
而不至工匠譁散者南洋二三號快船經費全  
數解存暗中挹注耳

臣  
仰蒙

天恩派署船政已閱半年不得不將實在情形上達

君父之前伏懇



聖慈垂念海軍以船政爲根本船政隨經費爲轉移  
預先儲材則工程倍出臨時購料則糜耗無形  
臣惟有督率員紳力求撙節應請

旨飭下閩海關將軍閩浙總督福建巡撫諸臣遵照  
歷奉

諭旨籌畫欸項於張佩綸所奏九船薪糧年解銀十  
四萬兩之外仍寬爲籌備隨時接濟俾養船製  
船經費兩無所虧現在法議雖成而防務不容  
稍緩似宜及此海道疏通之時趕將外洋鋼鐵  
檣木各料荷士基糯等飛四管五管連珠礮位  
及輪船應用之電燈水雷應用之電纜各件設  
法購置庶幾綢繆未雨預備不虞合並附片陳  
明伏乞

聖鑒謹

奏

同日拜發奉

旨著卽知照該將軍督撫於九船薪糧外仍寬爲籌  
備隨時接濟該衙門知道欽此



洋教習到工添蓋學堂洋房片

再船政前學堂專習製造兵船輪機等學法員  
教之後學堂專習駕駛天算等學英員教之各  
取其長互相爲用也海防事起除英士鄧羅不  
受英海部外部節制外其法教習邁達早已辭  
退上年十一月間張佩綸電致出使英法大臣  
曾紀澤由英國格尼址書院山長栢爾訥薦舉  
英員賴格羅李家孜來華訂立合同於中歷三  
月十七日卽西歷五月初一日到館賴格羅派  
爲駕駛學堂管輪教習李家孜派爲製造學堂

格致算學教習製造學生先習法文已三四年  
若令改習英文前功盡廢而駕駛學生亦不敷  
用因另招幼童百餘名入堂先教以語言文字  
俟半年後再行甄別去留賴格羅李家孜到館  
已將三月和平勤慎尙屬相安曾紀澤墊給船  
價俸薪銀兩均已匯還並委紳士於學堂隙地  
添蓋學舍洋式樓房各四十間樓上樓下隔作  
八十間並將馬限山頂舊日洋房二十四間重  
新修整爲賴格羅李家孜寓處俟工程事竣查  
照向章彙案核銷再船政土距省城四十里下



距長門八十餘里辦理海防時虞隔闕張佩綸  
任內購買電機全副於船政公署內月蓋洋式  
樓房一座作爲電報房派學生數人專遞緊要  
之事以與將軍行營督撫省署互通消息所有  
購買機器添造屋宇等經費應彙歸船署報銷  
理合附片陳明伏乞

聖鑒謹

奏

同日拜發奉

旨知道了欽此

船政奏議彙編

卷二十八

九



臺防需船派伏波東渡以供差遣摺

奏爲臺防需船謹派伏波東渡以供差遣恭摺復

陳仰祈

聖鑒事竊臣承准軍機大臣字寄光緒十一年五月

二十六日奉

上諭楊岳斌等奏籌辦臺灣防務澎湖基隆滬尾三  
海口均須長泊快兵船一隻修造礮臺運辦各料  
須裝貨船二隻請飭南北洋分撥快船三隻福建  
船政速撥貨船二隻到臺備用等語臺灣所需各  
船能否照數撥往著李鴻章曾國荃裴蔭森奏明  
辦理至各船到臺之後餉項如何發給並著妥議  
具奏將此由四百里諭知李鴻章曾國荃並傳諭  
裴蔭森知之欽此仰見

宸慮周詳關顧海防之至意臣查船政所造輪船其

可裝貨者曰海鏡曰康濟曰永保曰琛航曰萬  
年清凡五號海鏡康濟早經先後派駐北洋其  
永保琛航兩船去秋駐泊馬江均爲法礮擊燬  
永保破碎沉沙無從撈獲琛航現雖撈起尙須  
大加修理方能適用萬年清一船已於七年九  
月派供臺灣差遣上年因法人肆擾該船藏在



滬尾內港稍加整頓可應轉輸辰下臺灣修造  
礮臺需船運料亟應續撥一船以免工程遲滯  
計惟有熟悉臺灣港汊之伏波船曾於八年四  
月間派駐臺灣所有薪糧向歸臺防給發上年  
六月調回馬江沈攔林浦現在修理完整自應  
仍派東渡以收駕輕就熟之效其餉項亦仍彙  
歸臺防開報以符舊制是否有當伏候

聖裁所有續派伏波船東渡以備臺防差遣緣由恭  
摺由驛四百里具

奏伏乞

船政奏議彙編

卷二十八

十一

皇太后

皇上聖鑒訓示謹

奏

光緒十一年七月十二日拜發奉

旨該衙門知道欽此



橫海兵船公費遵照新章分別核給片

再七月初九日准閩浙督臣咨開五月初九日准兵部咨車駕司案呈上年閏五月初一日本部會議前船政大臣何如璋奏酌核輪船薪費名額練船各事宜一摺當以行船按時支給公費應令將各船行駛處所及進出口時刻提驗日記簿每於月杪備列細冊查核至閩廠外調各船應否一律照辦請

旨飭下各該大臣及有輪船省分督撫詳細籌酌奏明辦理等因奉

船政奏議彙編

卷二十八

十一

旨依議欽此欽遵在案現僅據南北洋大臣廣東督撫先後奏咨報部其餘浙江湖北安徽山東奉天直隸淮軍福建江蘇等處均未奏明報部應行催各該將軍大臣督撫遵照本部前奏趕緊詳細籌酌奏明辦理毋得遲延可也等因咨催前來臣查接管案內去年閏五月二十四日何如璋任內已准兵部咨同前因當緣防務喫緊未經定辦奏咨迨七月法人肆擾馬江九輪被燬閩口別無輪船惟伏波一號沈攔林浦冬間始經修理完整時值海道梗阻不能巡防各口



其公費一項總無逾原包之數今年四五月間橫海輪船甫經試洋所有公費祇飭其實報實銷亦總不得過原包之數今據部臣咨催自應遵照核准新章辦理惟福州馬江祇此伏波橫海兩船辰下伏波已飭渡臺以備差遣其薪費係歸海防開報一切章程應歸福建督撫臣籌酌奏咨橫海兵船係七百五十匹馬力按照舊章月應包給公費三百兩現臣遵照部議核准新章自本年八月起按月常給公費八十兩如遇行船每點鐘加給輪機艙應用各費銀五錢

計點核給當不至逾原包之數每月月杪提驗日記簿嚴加稽察以杜牽混自應造具細冊送部查核爲將來報銷根據惟該船月杪呈驗日記簿後其行駛處所及進出口時刻詳查細核宜計三箇月彙爲一次合無仰懇

天恩飭部准

臣

按季咨送到部庶便詳覈而省繁瑣

所有

微臣

遵照核准新章辦理緣由除咨明兵

部外理合附片具陳伏乞

聖鑒謹

奏



同日拜發奉

旨兵部知道欽此

船政奏議彙編

卷二十八

西

同日拜發奉

旨兵部知道欽此



九十兩年分歲入歲出冊籍請展限片

再臣於六月十三日准閩浙督臣咨送到部頒  
出入欸項章程一卷內載戶部奏定各省督撫  
各將通省各項出入按新頒冊式填造光緒八  
九兩年收支欸數均於光緒十一年八月間造  
送到部其光緒十年一年收支欸數仍均令於  
光緒十一年十二月間封印以前造冊送部限  
定於封印日到部嗣後按年卽將其前一年收  
支各欸均於次年十二月封印以前造冊加結  
報部不許宕延等因臣查船政光緒八年分歲

入歲出業經造齊應卽援照前咨六七兩年分  
歲入歲出之案開具清單咨報其光緒九十兩  
年分亦應遵照限期造冊達部以重考成惟是  
船政用欸以製造爲大宗若非縷晰條分不能  
各歸各欸卽不能彙造冊籍閩省自九年間起  
辦海防以迄辰下一切修建礮臺修製礮械以  
及禦敵各器械均由船政代籌工料悉力兼營  
其欸目應歸省局彙銷其冊籍均由廠員彙造  
目下海防製器欸項尙屬夥夥不清製船用欸  
萬難分晰去年八月間因光緒九年分奏銷屆



限經何如璋奏明防務喫緊請將光緒九年分銷案及一切奏咨各件暫展限期奉

旨允准欽遵在案此屆亦因海防欸目糾纏不能彙造冊籍事同一律且船政入欸係由閩海關及南洋協撥非實入之欸出欸總不越閩海關及南洋撥欸之中不致因船政冊籍未齊有礙部中會計合無仰懇

天恩俯准將船政應造光緒九十兩年分歲入歲出冊籍展限一年一俟省局海防欸目稍能清理卽飭廠員趕造不敢再事稽遲除咨部查照外

船政奏議彙編

卷二十八

去

所有收支欸數冊籍不能依限各緣由理合附片陳明伏乞

聖鑒謹

奏

同日拜發奉

旨著照所請戶部知道欽此

船政奏議彙編卷二十八終



船政奏議彙編卷二十九目錄

裴蔭森三

釐定員紳書役薪工並一切雜費據實覆陳摺  
製造各種水雷並廠署被風損傷估修片  
駕駛洋教習鄧羅援案請獎片

船政奏議彙編

卷二十九目錄

一

雷聲若奏督辦羅魁案請獎片

樊廷柱奏水雷並廠署被風損傷估修片

董立員奏書役薪工並一切雜費據實覆陳摺

船政奏議彙編卷二十九目錄

裴蔭森三



釐定員紳書役薪工並一切雜費據實覆陳摺  
奏爲遵

旨釐定員紳書役薪工並一切雜費據實覆陳恭摺

仰祈

聖鑒事竊

臣

於接管卷內查有戶部咨文內稱議復

前兩江總督左宗棠等奏船政員紳書役薪工  
請准實支實銷一摺光緒十年五月二十五日  
具奏本日奉

旨依議欽此欽遵鈔錄原奏恭錄

船政奏議彙編

卷二十九

一

諭旨飛咨前來

臣

查閱原奏緣前船政大臣張夢元

奏請將製船經費貼水銀兩提作外銷津貼員  
紳等欸經左宗棠等議奏以船政係創開之局  
差事旣異尋常員紳薪水書役辛伙例外從優  
亦非過濫此外尙有公幹員紳盤費大小差船  
工食以及醫藥犒賞油蠟紙張一切雜費按之  
例章雖難造報而揆之事理實應開銷請

旨飭由船政衙門逐一釐定奏明准予實支實銷分  
晰造冊報部毋庸另提貼水作爲外銷津貼復  
經部臣議奏以左宗棠等所奏情節尙屬實事



求是請

旨飭令該大臣遵照該督等原奏請上自總理提調  
下至員紳書役人等月支薪工並一切雜費逐  
一釐定奏明立案以憑核辦各等因前船政大  
臣何如璋張佩綸均以防務喫緊未及籌議臣  
莅任之始將各項支欸逐一查核亟思釐定章  
程奏請立案著爲令典俾部中易於勾稽督辦  
者亦不得以愛憎爲厚薄庶幾良法美意可以  
垂示將來迨考察數月始知薪工數目參差之  
故爲歷任諸大臣之苦心有不如此不能集事  
者敬爲我

皇太后

皇上陳之船政用人之難張夢元等先後陳奏已屢  
及之然其中尚有未盡者員紳當札委之始薪  
水視其官階津貼則視責任之重輕廠務之繁  
簡以爲區別支欸旣極參差任事以後或由簡  
調繁或由繁調簡支欸又從而增減且廠員中  
有能留心西法通曉工程者復加增津貼以優  
異之卽隨同員紳辦事書役按月支欸亦以此  
法行之於量能授食之中寓獎勵人才之道皆



歷任諸大臣所行之而有效者故均此一廠而各員支欸不同均此一人而前後支欸不同張夢元於督辦時目擊情形不得已而有外銷之請迺蒙

天恩優渥准予逐一釐定實支實銷誠以船政爲創

開之局關涉洋務本爲成例所無但能欸不虛

恩道糜事收實效卽可著爲定章臣敢不仰體

聖慈參酌盡善第以歷任諸大臣聰明才力皆遠過

於臣所定成法行之二十年而有效者臣何敢

率議紛更致滋流弊惟有將員紳書役原支薪

船政奏議彙編

卷二十九

三

工津貼改爲實支薪工及一切雜費數目據實

開具清單恭呈

御覽懇

恩飭下部臣立案嗣後如有添裁員弁增減薪費按

年報部以憑核銷臣不敢稍存畏難之見祇以

事關大局與其勉強以就範圍何如規隨以承

矩矱伏查提調道員月支薪水津貼係左宗棠

前在閩浙總督任內核定照閩省現任道員津

貼銀數支給無論在工久暫不復增減其餘稽

查學堂管理學堂文案支應以及各廠員紳當



差勤慎者擬請自本年起月支薪水總不得過五十兩以示限制至部查貼水銀數張夢元原奏業已陳明除將張夢元原奏鈔錄送部查核外所有員紳書役不支津貼改爲實支薪工及一切雜費據實開報並酌量釐定各緣由謹會同福州將軍臣穆圖善閩浙總督臣楊昌濬革職暫緩交卸福建巡撫臣張兆棟恭摺由驛四百里具陳伏乞

皇太后

皇上聖鑒訓示謹

船政奏議彙編

卷二十九

四

奏

光緒十一年七月二十六日拜發奉

旨戶部知道單併發欽此



謹將船政員弁書役按月原支薪工津貼改爲  
薪工名目並一切雜費自光緒九年正月起實  
支銀數開具清單恭呈

御覽

謹開

員弁薪水項下

督辦船政大臣薪水六百兩

提調道員前翰林院編修呂耀斗原支薪水四

十兩津貼二百六十兩今改爲薪水三百兩

謹查船政提調開局之初奏派曾任實缺司

船政奏議彙編

卷二十九

五

道周開錫吳大廷夏獻綸三員充當嗣後裁

併一員辦理責任愈重用度愈煩且無養廉

可支其原支津貼左宗棠任內係倣照閩省

實缺道員津貼之案支給今經釐定統行改

爲薪水不列津貼名目理合聲明

稽查學堂郎中嚴良勳原支薪水三十兩津貼

二十兩今改爲薪水五十兩

稽查學堂員外郎林澗淑原支薪水三十兩津

貼二十兩今改爲薪水五十兩

管理文案知縣施魯濱原支薪水一十六兩津



貼二十四兩今改爲薪水四十兩

管理文案應襲一等輕車都尉生員沈翊清原  
支薪水一十八兩津貼一十二兩今改爲薪水  
三十兩

管理文案舉人陳與同原支薪水八兩津貼一

十八兩今改爲薪水三十六兩

管理支應知縣李聖培原支薪水一十六兩津  
貼二十四兩今改爲薪水四十兩

管理支應生員陳允豫原支薪水六兩津貼一  
十四兩今改爲薪水二十兩

管理前學堂兼繪事院縣丞夏允晃原支薪水  
一十二兩津貼一十四兩今改爲薪水二十六  
兩

管理前學堂兼繪事院府經歷朱慶生原支薪  
水一十二兩津貼一十二兩今改爲薪水二十  
四兩

管理前學堂兼繪事院舉人范繼馨原支薪水  
八兩津貼一十六兩今改爲薪水二十四兩

管理後學堂兼管輪學堂主事黃軒齡原支薪  
水二十兩津貼二十兩今改爲薪水四十兩



管理後學堂兼管輪學堂縣丞林憲曾原支薪水一十二兩津貼一十二兩今改爲薪水二十四兩

管理後學堂兼管輪學堂訓導梁鳳翔原支薪水一十兩津貼一十四兩今改爲薪水二十四兩

管理船廠縣丞鄭鏞原支薪水一十二兩津貼一十二兩今改爲薪水二十四兩

管理船廠教諭林世仁原支薪水一十二兩津貼一十二兩今改爲薪水二十四兩

船政奏議彙編

卷二十九

七

管理鐵脅廠從九品程華湘原支薪水八兩津貼一十四兩今改爲薪水二十二兩

管理輪機廠知縣王樹翰原支薪水一十六兩

津貼一十四兩今改爲薪水三十兩

管理輪機廠知縣張家瀕原支薪水一十六兩

津貼八兩今改爲薪水二十四兩

管理輪機廠縣丞林豐鑫原支薪水一十二兩

津貼一十二兩今改爲薪水二十四兩

管理鑄鐵廠知縣陳慶辰原支薪水一十六兩

津貼四兩今改爲薪水二十兩



管理水缸廠知縣鄭逢時原支薪水一十六兩  
津貼八兩今改爲薪水二十四兩

管理水缸廠鹽大使鄭孝穎原支薪水一十二  
兩津貼八兩今改爲薪水二十兩

管理水缸廠縣丞孟宗洛原支薪水一十二兩  
津貼一十八兩今改爲薪水三十兩

管理小輪機廠貢生何炳如原支薪水六兩津  
貼一十四兩今改爲薪水二十兩

管理拉鐵廠府經歷林希曾原支薪水一十二  
兩津貼一十兩今改爲薪水二十二兩

管理帆纜廠兼礮廠知縣鄭瓊書原支薪水一  
十六兩津貼一十四兩今改爲薪水三十兩

管理帆纜廠兼礮廠監生孟宗韓原支薪水六  
兩津貼九兩今改爲薪水一十五兩

管理甄灰廠從九品楊嵩年原支薪水八兩津  
貼八兩今改爲薪水一十六兩

管理船槽縣丞孟宗伊原支薪水一十二兩津  
貼一十八兩今改爲薪水三十兩

管理廣儲所通判馮敏功原支薪水二十兩無

津貼



管理廣儲所縣丞陳耕原支薪水一十二兩津貼一十兩今改爲薪水二十二兩  
管理儲材所縣丞許桐原支薪水一十二兩津貼八兩今改爲薪水二十兩  
管理東攷工所生員謝纘原支薪水六兩津貼一十四兩今改爲薪水二十兩  
管理西攷工所通判張慶鈞原支薪水二十兩津貼四兩今改爲薪水二十四兩  
發審委員通判呂葆孫原支薪水二十兩津貼一十兩今改爲薪水三十兩

船政奏議彙編

卷二十九

九

銀庫差弁千總李得標原支薪水一十兩無津貼

銀庫差弁千總李得升原支薪水一十兩無津貼

船廠差弁外委阮友性原支薪水六兩無津貼

船廠差弁外委李得泰原支薪水六兩無津貼

船廠差弁軍功阮友華原支薪水五兩津貼一

兩今改爲薪水六兩

鐵脅廠差弁千總葉景祺原支薪水一十兩津

貼二兩今改爲薪水一十二兩



鐵脅廠差弁軍功傅金榜原支薪水五兩津貼  
一兩今改爲薪水六兩

輪機廠差弁外委梁渭熊原支薪水六兩無津  
貼

輪機廠差弁軍功吳一升原支薪水五兩津貼  
一兩今改爲薪水六兩

鑄鐵廠差弁軍功鄭元標原支薪水五兩津貼  
一兩今改爲薪水六兩

鑄鐵廠差弁軍功朱木松原支薪水五兩津貼  
一兩今改爲薪水六兩

水缸廠差弁外委李玉雲原支薪水六兩津貼  
一兩今改爲薪水七兩

水缸廠差弁外委張金福原支薪水六兩無津  
貼

水缸廠差弁軍功陳標原支薪水五兩津貼一  
兩今改爲薪水六兩

小輪機廠差弁千總鄭福泉原支薪水一十兩  
無津貼

小輪機廠差弁軍功鄭東桂原支薪水五兩津  
貼一兩今改爲薪水六兩



拉鐵廠差弁千總王本成原支薪水一十兩津貼二兩今改爲薪水一十二兩

拉鐵廠差弁把總鄭康泰原支薪水八兩無津貼

帆纜廠兼礮廠差弁軍功吳道濟原支薪水五

兩津貼三兩今改爲薪水七兩

船槽兼挖土船差弁千總何佩琳原支薪水一

十兩津貼二兩今改爲薪水一十二兩

船槽兼挖土船差弁軍功林勝超原支薪水五

兩津貼二兩今改爲薪水七兩

船政奏議彙編

卷二十九

十二

版築所差弁把總侯定邦原支薪水八兩無津貼

皮廠差弁把總洗懿林原支薪水八兩津貼四

兩今改爲薪水一十二兩

廣儲所差弁千總王明貴原支薪水一十兩無

津貼

查驗隄口差弁千總梁湘原支薪水一十兩無

津貼

查驗隄口差弁外委鄧復升原支薪水六兩津

貼四兩今改爲薪水一十兩



查驗水坪差弁外委葉長發原支薪水六兩津貼一兩今改爲薪水七兩

武巡捕千總林高陞原支薪水一十兩津貼六

兩今改爲薪水一十六兩

外科醫士林世蔭原支薪水六兩津貼一十四

兩今改爲薪水二十兩

書役工伙項下

經書九名各原支工伙四兩津貼二兩今改爲

各工伙六兩

繕書二十一名各原支工伙三兩津貼一兩今

改爲各工伙四兩

幫書一十四名各原支工伙四兩向歸津貼今

各改爲繕書工伙照支

聽差六名各原支工伙二兩四錢無津貼

添僱聽差六名各原支工伙二兩四錢向歸津

貼今各改爲聽差工伙照支

號書一名驛書一名共二名各原支工伙三兩

無津貼

遞夫二名各原支工伙二兩四錢無津貼

心紅紙張油蠟項下



公署心紅紙張原支四兩津貼八兩今改爲一十二兩

公署油蠟原支二兩津貼四兩今改爲六兩

公幹委員盤費項下

由福州赴天津每人每次支輪船餞番三十元

由福州赴上海每人每次支輪船餞番一十五元

元

由福州赴香港每人每次支輪船餞番一十四元

元

由福州赴廈門每人每次支輪船餞番七元

船政奏議彙編

卷二十九

三

由福州赴臺灣由官輪附搭每人每次支輪船

飯食番三元

大小差船工食項下

大差船一號月支工食一十六兩

小差船一號月支工食八兩

犒賞藥費項下

新船下水各廠匠首每名犒賞一兩六錢散匠

每名犒賞八錢

工匠因工作受傷每日給藥費二錢傷愈停給如歷久未愈亦惟給至三箇月以示限制



製造各種水雷並廠署被風損傷估修片

再海防利器攻剿莫捷於魚雷守口莫猛於水雷此外洋各國之通義也上年七月以後法船聚泊媽祖澳洋馬江師船悉沈南北岸礮臺亦燬急謀堵口祇存有何如璋任內電請前出使德國臣李鳳苞購到水雷一百具尙存五十具張佩綸由南洋借到水雷二十具派學生林慶平帶赴長門一帶聽候臣穆圖善指示布置惟水深潮急港道寬長不敷安插而戰局旣成縱使加價十倍各國同守局外之例不能再購查

有丁憂廣東學生陸汝成上年冬月自粵回閩該生向從英人哈倫授學有年通曉化學能自造各種油藥白藥及水雷火箭諸法尤能自造電引極爲靈捷因飭繪算圖式發廠製成子母新式水雷二十具每子雷一具應鍊熟鐵三百數十觔每母雷一具應鑄生鐵一千五百數十觔統核各廠工料比較德國購到水雷原價有減無增臣嘗會同恪靖營營務處前浙江提督黃少春於烏龍江口驗放以巨木紮成九層方陣貫以數百鐵條厚及八尺該水雷礮力能擊



起木簾離水十數丈裂爲五斷較德雷力尤猛

烈臣穆圖善亦派林慶平臣楊昌濬亦訪有建

甯學增生楊仰曾飭到船廠各杼所見各用所

學分製各種鼉壳沈雷現擬仍飭各製二三十

具留備攻守所有製雷經費由製船項下先行

挪墊將來專案歸入海防案內報銷再船署各

廠屋被法人用連珠礮彈擊破多處去冬今春

望臣經張佩綸及臣先後派匠修理復舊七月十五

六七等日秋颶大作風力奇猛查與光緒七年

情形尤甚在船槽修理之舢舨在船臺續造之

船政奏議彙編

卷二十九

五

快船岌岌可危經臣督同在事文武員紳弁丁

設法支撐多方保護仰賴臣查與光緒七年

聖慈福庇一律平順在江停泊各兵輪並無攔損惟

船政公署廳堂及各廠新修各屋宇土木尙未

黏結牢固狂雨連宵屋飛椽折牆壁亦間有倒

塌現在派員核估工料查照光緒七年成案辦

理所有修費歸入本年分彙案核銷理合會同

附片

奏明伏乞

聖鑒訓示謹



奏

同日拜發奉

旨戶部知道欽此

船政奏議彙編

卷二十九

六



駕駛洋教習鄧羅援案請獎片

再查洋員在工供差著有勞績者限滿之日例應奏請

賞給頂戴寶星以示獎勵歷辦在案現在駕駛學堂洋教習鄧羅由英國應募來閩於光緒六年八月二十七日抵工按照外國月日約定三年爲限扣至九年八月三十日期滿嗣因該教習到工以來教導尙屬認真學生著有功效張夢元任內再留一年俾期得力自九年九月初一日起換立合約扣至十年八月十二日止張佩綸

任內復因教導精勤再留一年自十年八月十三日起扣至十一年八月二十三日止現屆該教習期滿所授第一班學生堂課已畢現候出洋肄業臣現復議留三年加訂合同接授第二班學生按照年月排定功課庶期駕駛人才陸續成就以備任使惟該教習在工已歷五年盡心教導合無籲懇

天恩准照歷屆洋員限滿請獎成案

賞給五品頂戴並二等寶星以示鼓勵之處伏乞

訓示遵行理合附片具陳伏乞



聖鑒謹

奏

同日拜發奉

旨著照所請該衙門知道欽此

船政奏議彙編

卷二十九

六

船政奏議彙編卷二十九終



船政奏議彙編卷三十目錄

裴蔭森四

光緒九十兩年分歲入歲出欸目懇准畧展限期摺

第六號鐵脅輪船安上龍骨並陳廠務情形摺

委弁千總邱水生請卹片

謹陳船政形勢及應行次第舉辦事宜摺

廠造第二號快船工竣下水摺

添蓋廠屋修船添機照章聲明片

船政奏議彙編

卷三十目錄

一



光緒九十兩年分歲入歲出欸目懇准略展限期摺

奏爲光緒九十兩年分船政歲入歲出欸目實與

閩省海防軫輻不清懇

恩仍准略展報部限期恭摺仰祈

聖鑒事竊臣前因船政製造欸項與福建省局海防

製器一時不能分晰附片請將光緒九十兩年分歲入歲出冊籍按照部限暫展一年八月初四日奉

船政奏議彙編

卷三十

一

旨著照所請戶部知道欽此欽遵在案嗣部臣以船政造報一經准緩恐各省聞風相效託詞延宕致部中通籌出入之要政化爲空談專摺請

旨更正仍請

飭令迅將光緒九十兩年分歲入歲出欸數按照部頒冊式原限原章一併於本年封印前造報到部勿得延緩等因八月二十六日奉

旨依議欽此欽遵抄錄原奏恭錄

諭旨飛咨飭令遵照辦理前來臣捧誦之下無任悚惶自應督飭廠員依期趨辦何敢再瀆干冒



宸嚴惟是所以不能依限造送情形有部中未能深  
悉者敬再爲我

皇太后

皇上陳之船政用款以工料爲大宗尋常無事之日  
所用工料一日製船一日修船一日建蓋一日  
製器一日修廠一日修機製船修船之中又別  
爲某號之船建蓋修廠之中又別爲某所之廠  
製器修機之中又別爲何廠何項之器何廠何  
項之機雖欸目紛繁各有冊籍登記誠如部  
摺內所稱細目宏綱有條不紊者以此照格填

船政奏議彙編

卷三十

二

寫固可計日而成迨閩省籌辦海防凡禦敵所  
資者若礮臺若礮具若水雷若桿雷若地雷若  
木簞若鐵鏈以及零星修製皆船政爲之兼營  
工料則由製船墊給欸目則應省局造銷其初  
皆由省局備文請製飭廠興工另冊登記眉目  
未始不清及敵船進港戎機瞬息製庀軍需以  
速爲要自不敢泥守向章文領未及具也卽營  
弁以片紙列單均行照付新製不及待也或廠  
儲之製船成件立飭改鑲祇期器備之無缺數  
目之糾纏初不暇計也如果事平之後所有海



防撥用工料省局一一承認何難照冊剔除則製船欸項立時即可清出無如列單移局清算省局以各項工料未經具文請領現值部章嚴

天恩

密必須指明請製者何人承領者何人確鑿有

據方能歸欸造銷

臣

亦恐廠員倉卒之中登記

舛錯飭其歷檢單據省憶請製承領之人列單行令營員及管帶礮臺員弁逐一核對據實聲覆務期各歸各欸無稍混淆歷時既久各營員弁更代已歷數員新任者諉諸不知舊任者或另差或回籍輾轉行查動稽時日總之海防工

料一日未清卽製船工料一日未清歲入歲出冊籍實難依限造送臣係十年十二月二十四日到工此項工料皆動支於臣末蒞任之前原無所用其迴護祇以支銷

國帑必求核實斷不敢苟且遷就強應限期合無仰懇

天恩逾格俯准將船政光緒九年分歲入歲出欸數展至明年三月送部十年分歲入歲出欸數展至明年六月送部至部臣慮各省相效宕延船政無實入之欸非他省有實入之欸者所得援



以爲例去歲馬江之戰卽在船政廠鵬之前尤  
非他省無被兵海防者所得藉口除咨部查照  
外所有請展歲入歲出欸目報部限期各緣由  
理合會同署理福州將軍臣古尼音布閩浙總  
督兼署福建巡撫臣楊昌濬合詞恭摺由閩四  
百里馳陳伏乞

皇太后

皇上聖鑒訓示謹

奏

光緒十一年十月初六日拜發奉

船政奏議彙編

卷三十

四

旨著照所請戶部知道欽此



第六號鐵脅輪船安上龍骨並陳廠務情形摺  
奏爲第六號鐵脅輪船安上龍骨並陳廠務情形  
恭摺仰祈

聖鑒事竊船政所造第五號鐵脅輪船曰橫海已於  
六月初四日告成試洋經臣具摺

奏明在案其第六號鐵脅輪船自應接續照製以  
備海防要需惟查廠中歷來製成之兵船如一  
百五十四七百五十匹等號意在有事利於攻  
戰無事便於轉輸其制係參兵船商船之度轉  
致行程不速去歲馬江之戰兵商兩紕張佩綸

任內知有此病飭令嗣後所造七百五十匹鐵

脅船式稍爲變通務期合兵船體製臣蒞工後

堅與員紳約專造兵輪永不准再造商船經工

程處委紳魏瀚等議將船身加闊一尺三寸馬

力加增至一千六百匹加闊則船穩增馬力則

行速以法推算可每時行九十五里較之往常

鐵脅船每時僅行八十里者有別費省工簡行

速機靈亦爲海上攻戰利器可輔快船鐵甲船

之用臣核所議自是精益求精益求密之事

飭照所議辦理所有應用檣木各料去年十二



月已飭暹羅洋商購辦現已陸續運到其鐵料  
機件因廠中趕趲二三號快船工程礙難兼營  
分力因照前此萬年清揚武及八十四等船成  
案寄由英國採購康邦新式機件全副運回工  
次鑲配合攏以期速成詎於十月十八日臣親  
率在事員紳匠徒將全鐵龍骨安上船臺一俟  
鐵木料件到齊便可興工分製至南洋兩號快  
船自去年海防喫緊以後各廠工匠均著力於  
辦防趕製水雷礮彈礮架等事工程不無停緩  
現時和局已成礮具亦已完竣臣已催飭趕行

併力工作查二號快船本年十一月間可下水  
明年夏間可試洋三號快船明年夏間可下水  
明年冬間可試洋合併聲明所有第六號鐵脅  
輪船安上龍骨並廠務情形理合會同署理福  
州將軍臣古尼音布閩浙總督兼管福建巡撫  
臣楊昌濬恭摺由驛四百里具

奏伏乞

皇太后

皇上聖鑒訓示謹

奏



光緒十一年十月二十五日拜發奉  
旨該衙門知道欽此

船政奏議彙編

卷三十

七



光緒十一年十月二十五日拜發奉

旨該衙門知道欽此



委弁千總邱水生請卹片

再監工委弁五品軍功留閩儘先補用千總邱水生督帶匠丁在撈起之琛航船上折卸銅鐵各件以備修理詎意九月十二日午後風暴驟作江濤洶起船爲之簸該弁正在船旁透板上指揮匠作被翻入水身故查該弁在工供差幾二十年勤奮出力此次在船率作因公淹斃實堪憫惻合無仰懇

天恩飭部照軍營陣亡例從優議卹以慰幽魂出自鴻慈謹會同署理福州將軍臣古尼音布聞浙總督

船政奏議彙編

卷三十

八

兼管福建巡撫臣

楊昌濬附片陳明伏乞

聖鑒謹

奏

同日拜發奉

旨邱水生著照軍營陣亡例從優議卹該部知道欽

此



謹陳船政形勢及應行次第舉辦事宜摺

奏為

徵臣

蒞工視事已滿一年謹將船政形勢及

應行次第舉辦事宜恭摺瀝陳仰祈

聖鑒事竊

臣

自去歲十二月蒞工經將察看福州海

口情形及復設練船試造銅甲並請

飭催積欠關欸各緣由先後奏明在案數月以來

臣

復細加考察催趲工程時與在事員紳及監造  
工程學生往復講求每至夜分必盡得其蘊而  
後已稍閒則獨乘小舟隨潮上下詳看工次一  
帶地勢淺道竊維閩之設船政也原為天下海

船政奏議彙編

卷二十

九

防至計非一切機器局製造局可比造成兵輪  
派駐各省而巡防皆賴學生藝成亦派赴各處  
而洋務漸開二十年來實有成效形勢非不足  
恃防守密則無虞工程非不日興經費足則皆  
舉應將形勢及應辦事宜實在情形敬為我

皇太后

皇上陳之船政廠地在馬尾山麓羣峯繞其背狀若  
匡牀前瀕大江踞林浦下流羅星塔之上流前  
閩浙督臣左宗棠議設船政疏稱羅星塔一帶  
開槽濬渠水清土實為粵浙江蘇所無前船政



大臣沈葆楨察看海口及船鵬摺內亦指林浦以下爲重重大險臣自臬司任內奉檄填港到工後巡勘較詳閩江自芭蕉五虎入口以來兩山環抱層折轉彎至馬尾八十里實爲自然天險論者徒以去歲七月馬江之戰遂疑船廠之露處爲孤危可慮不知去歲法船肆擾深入口內已犯兵家之忌不過行險徼倖賺入長門地方官以中外尙未失和不早封口誤墮其術使能扼之於海門以外何至受其所欺譯法國官報孤拔上書其海部具言閩廠之所以不能燬

者緣大兵船喫水過深祇能停泊羅星塔以外不能直逼船廠廠之左近有馬限山爲之屏蔽礮彈鉅者不能遠及廠屋其船小礮輕者又不足以燬之等語臣則以爲該敵曾冒險深入終不敢佔留一日以索償者實懼海口之險南北洋援軍之將合圍耳此閩廠地勢形勝最踞險要無容改設之明證也或謂吳楚適中之地如湖口地方可以建設船鵬不知海潮有定江湖無定每當伏秋盛漲江水挾四川三峽而下必將漫過船鵬至交冬後水落石出巨船又必不



能進槽此湖口長江一帶祇能造軍火機器局不能造鐵甲船鴨固不待智者而知也船政舊用鐵螺絲船槽容重二千餘噸比年製成之開濟鏡清快船卽不能修津之大沽蘇之上海粵之黃埔雖皆有鴨亦以港道稍淺不能收納此事實難再緩經前大臣黎兆棠何如璋奏明有案臣曾勘定船政左近紅山之麓可造船鴨在羅星塔之下員山寨之上兩山中間生成小港實爲天然船鴨距船政僅水程八里工匠往來取攜甚便亟宜砌石造就大鴨以備勘修南洋快船及臺灣所用快船卽北洋之鐵艦如定遠鎮遠者亦可來閩修理此閩廠急宜增造船鴨之實在情形也現在出洋回華藝成之學生如魏瀚鄭清濂陳兆翱吳德章李壽田楊廉臣等於製造船身輪機工程測算工夫具有本領本年所成之橫海鐵脅船並開濟鏡清兩快船實已均臻美備南洋三號快船明秋亦可下水六號鐵脅船亦已安上龍骨此次奉

准試造鋼甲一號只待省局經費解到便可購料開工推該學生等造詣所到如果添機拓廠卽大



鐵艦之鐵甲及輪機大件亦可自製無庸購於外洋前督辦黎兆棠何如璋均經奏請以經費難籌而止

臣

擬擇其急者陸續添置庶經費可

寬籌而工程亦能起色此聞廠亟宜添拓之實在情形也戰守之利器近今以水雷魚雷爲要去秋之戰人皆以前向德國採購魚雷水雷緩不濟急爲憾及何如璋所購伏雷百具到時福州封口方有藉手尙慮港道寬長不敷布置因商督臣楊昌濬招募廣東學生陸汝成建甯增生楊仰曾各抒所學分製各種沈雷二三十具

以供守口之助嗣購到德國魚雷十具在德習製魚雷伏雷學生陳才鐳亦已藝成回華臣飭逐件修配以便試演一面出圖仿造不使外人傲我所無惟建造廠屋購置各雷機器所費又已不貲至於開礦鑄礮以及製造各項火藥槍彈船政皆有藝成回華之學生可以承辦廠屋機器之費動輒鉅萬此皆海防必不可緩之事卽船政所不容已之圖惟是經費難籌深爲焦灼年來閩海關月僅解到四成項下二萬兩其六成項下三萬截至今年六月止積欠二百四



十萬有奇經臣奏奉

旨飭速撥以濟急需迄今未承解應製船經費尙且不敷何況別項此又必須外省協濟之實在情形也現值

朝廷整練海軍所需船礮必多臣愚以爲應拓船政以爲表裏請

旨飭下閩海關四成六成項下按月解清所有遞年積欠速爲設法陸續籌補並請

飭下海疆各省督撫酌籌協款解濟所有事宜臣再隨時函商以期開拓工程不囿故步上副

船政奏議彙編

卷三十

三

國家力圖自強之至意本年歲底封印期內照例停工開正月初旬臣當乘輪馳赴金陵與南洋大臣

曾國荃面商一切所有船政形勢並應行舉辦事宜實在情形理合會同署理福州將軍臣古

尼音布閩浙總督兼管福建巡撫臣楊昌濬恭

摺由驛四百里具

奏伏乞

皇太后

皇上聖鑒訓示遵行謹

奏



光緒十一年十二月初二日拜發奉  
旨留中欽此

刑政奏議彙編

卷三十

四



光緒十一年十二月初二日拜發奉



廠造第二號快船工竣下水摺

奏爲廠造第二號快船工竣下水恭摺具陳仰祈  
聖鑒事竊船政前年擬造快船第一號開濟撥駐南  
洋後復經前南洋大臣左宗棠定造兩號當於  
九年十二月間次第安上龍骨經前督辦船政  
臣何如璋

奏明在案去春開工興作與第五號之鐵脅船兼  
營並製三艘同工夏秋之間法人肆擾兼辦閩  
口防守各船工程大爲所分臣蒞工後飭令併  
力趲造五號鐵脅船曰橫海於今春歲事試洋

船政奏議彙編

卷三十

五

十月間第六號鐵脅船龍骨接續安上經臣先  
後兩次

奏明茲據工程處稟稱二號快船鐵脅已配舢板  
已封阻漏鐵堵已隔鐵樑鐵柱已豎艙灰穿孔  
塞罅漚釘已妥船首之銅刀船尾之銅夾銅套  
船面之鐵戰枰船旁之鐵耳臺船中船後之礮  
位船上之鐵望臺鐵廚房船內之輪機艙水缸  
艙煤炭艙鐵練艙水手艙帆纜艙糧食艙淡水  
艙亦已一律竣工輪機水缸及冷水櫃抽水機  
大小銅鐵各件亦已在廠合鑄就序現在船身



可以下水下水後即可鑲配齊全其餘火藥艙彈子艙以至桅檣帆纜舵車向盤等件亦俟下水方能照配

臣

飭各廠員紳等覆驗無異因命

之曰鏡清諏十一月十八日下水屆期風日清

和午潮如鏡

臣

躬率各員紳致祭各神抽撐拔

楔如法臺上之船便砮然循滑軌而下在事人等及士民來觀者無不鼓掌懽呼爲之快意查該船長二十六丈有奇寬三丈六尺喫水深一丈七尺高三丈四尺全船噸數計二千二百噸每噸合中國一千六百八十觔儲煤之艙可積

三百五十噸配新式三汽鼓康邦省煤臥機一副計實在馬力二千四百匹圓式水缸八箇可出汽力六十八磅計每時可行水程百里一切制度與第一號開濟相等惟船底兩旁添製幫龍骨兩條日後船行愈穩而不簸更於望臺上添配雙燈電機一副以燭黑夜防雷艇之暗却也船後改配十九生口徑大礮一尊以便阻擊敵船之尾追因配電燈故設小水缸以出汽力因配大礮故改尾枰艙以舒礮度原式本係三枝木桅今改不爲銅靡特銅片之製甚便可濟



木料之窮而且桅盤保護可置連珠之礮慮敵船之近迫特於船之首向另設魚雷機二具以資衝擊慮機艙之炎熱特於船之中艙另配引風箱二具以大風力因設風箱而日後輪機馬力可增至三千匹船行又當加速凡此皆原式快船所無今皆燦然大備兵船之利用至此極矣儻得十數艘輔以鐵艦魚雷艇訓練成軍庶幾進戰退守兩有把握上可副其謀而自國家自強之至意外可杜異族要挾之詭謀臣自去冬權篆蒞工以來無分鉅細親自講求始知

舡製快船工程繁難較於常式兵輪何止數倍在工各執事頻年趨効晝夕兼營殫雨櫛風不憚勞苦皆能各稱厥職而益求其精前製輪船多係百五十匹馬力今則由七百五十匹推而大至二千四百匹馬力前皆倚賴洋匠今則由熟生巧出圖自造克盡快船之能事且屢請試製鋼甲以展其長其實心可嘉其微勞足錄臣查光緒十年前督辦臣何如璋任內請獎奉

旨嗣後如續有勞績再行奏請欽遵在案現在續製二號快船較之開濟更加完備各員紳等實屬



異常出力可否籲懇

天恩准俟該船試洋後容<sub>臣</sub>將在事文武員紳工匠人等擇尤請獎以資鼓勵出自

逾格鴻慈合將鏡清快船工竣下水緣由謹會同南

洋大臣兩江總督<sub>臣</sub>曾國荃署福州將軍<sub>臣</sub>古

尼音布閩浙總督兼管福建巡撫<sub>臣</sub>楊昌濬恭

摺具陳伏乞

皇太后

皇上聖鑒訓示謹

奏

船政奏議彙編

卷三十

六

光緒十一年十二月初二日拜發奉

旨此項輪船著俟試洋後如果駕駛得力毫無流弊再將出力人員擇尤請獎欽此



添蓋廠屋修船添機器章程聲明片

再前奉戶部奏定外省報銷新章第十四條內載各省設立機器局並聞省船政局如有添購機器經費若干事前奏明咨部立案事後方准核銷等因茲據員紳稟稱閩廠去年因併造南洋兩號快船及鐵脅船廠地機器均有不敷鑄鐵廠起卸重件添製鐵柱大懸機一具計用工料銀五千三百餘兩輪機廠添製轉輪軸轂旋機一具計用工料銀四百餘兩合攏廠換鋪地枰計用工料銀八百餘兩水缸廠添製梁上起

重鐵車一具計用工料銀六百餘兩小輪機廠狹隘有礙工作將原設行鋸機器移置模廠一切拆鑲安配計用工料銀五百餘兩甄灰廠試造洋火甄添蓋廠屋一所計用工料銀三百餘兩水缸廠新造二百五十匹馬力水缸胚一副原備換配揚武船所用去年海防喫緊未及拆換該船旋即被礮沉失現將該水缸留備別用計用工料銀八千五百餘兩船上電燈爲泰西防敵要需因購電燈一具留備各快船配用計用價值銀二千八百餘兩去秋三日之戰船槽



陡出江干受礮最烈修理機器屋宇等項計用  
工料銀五千四百餘兩陽前挖土機船被礮擊  
沉設法起撈修刮機器修補船底船艖及添配  
傢伙計用工料銀六千二百餘兩又修裝土船  
二號計用工料銀一千二百餘兩以上各款應  
歸船政十年分銷案造報再查光緒九年分海  
鏡輪船經北洋大臣調往差遣大加修理以利  
巡行計用工料銀一萬六千九百餘兩琛航輪  
船拆修水缸等件計用工料銀一萬六千餘兩  
其餘揚武福星萬年清三船或小爲補葺或換

配物件計共用工料銀四千六百餘兩去秋伏  
波輪船被創之後沉擱林浦龍骨及船身機件  
均損傷須加大修當因本陽船槽被礮該船未  
能上槽勘修賃用馬尾英商船陽租費並本廠  
修理工料計用銀一萬六千五百餘兩以上各  
款係由船政墊支歸省局彙銷等語呈請立案  
前來經臣覆查無異除咨部查照並飭另行彙

案造銷外合將應行照章聲明各款緣由謹會

同南洋大臣兩江總督臣曾國荃署福州將軍

臣古尼音布閩浙總督兼管福建巡撫臣楊昌



濬附片具陳伏乞

聖鑒訓示謹

奏

同日拜發奉

旨戶部知道欽此

船政奏議彙編

卷三十

三

船政奏議彙編卷三十終



